

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. लेफ्टिनेंट गवर्नर मनोज सिन्हा होरें अज्ज राश्ट्री एकता दिवस दे मौके सरदार वल्लभभाई पटेल होरें'गी उं'दी 150मीं जयंती पर श्रद्धांजलि दिती ते राजभवन दे अधिकारिणं ते अमले गी एकता दी सगंध बी चुकाई।
2. मुखमंत्रि ओमर अब्दुल्ला होरें कश्मीर मैराथन एक्सपो दा उद्घाटन कीता ते आखेआ जे एह्दे'नै खेड्डें ते सैलसफा गी बढावा मिलग।
3. जम्मू-कश्मीर विधानसभा दी कार्रवाई गी अज्ज अनमित्थे समें लेई स्थगित करी दित्ता गेआ ऐ। इस इजलास दुरान 5 सरकारी बिल पास कीते गे न।
4. दरबार मूव दी प्रथा च'उं ब'रें परैन्त फही शुरु - हफ्ते च 5 दिन कम्म करने आहले दफ्तर अज्ज श्रीनगर च बंद होई गे।
5. मुख सचिव अटल डुल्लु होरें शिक्षा खेत्तर दा जायजा लैंदे होई तकनीकें पर आधारत सुधारें दी बेल्ले सिर अमल-आवरी दी जरूरतै पर जोर पाया।

<><><><><><>

LG-Pledge

लेफ्टिनेंट गवर्नर मनोज सिन्हा होरें अज्ज राश्ट्री एकता दिवस दे मौके उप्पर राजभवन दे अधिकारिणं ते अमले गी एकता दी सगंध चुकाई। इस मौके उप्पर एलजी होरें लौह पुरुष सरदार वल्लभ भाई पटेल होरें'गी उं'दी 150मीं जयंती दे मौके उप्पर श्रद्धांजलि अर्पित कीती। उ'नें लोकें गी गुजारिश कीती जे ओहू आत्मनिर्भर ते विकसित भारत दे निर्माण लेई पूरी निश्ठा कन्नै कम्म करन। इस मौके उप्पर एकता सगंध चुक्कदे होई उ'नें आखेआ

एलजी सिन्हा होरें अज्ज श्रीनगर दे एसके-आईसीसी च प्रदेश स्तर दे कार्यक्रम दी सदरत कीती ते एकता द्रौड गी झंडी दस्सियै रवाना बी करोआया। इस मौके पर किटु अगगे भाशण दि'दे होई एलजी होरें इक बारी फही आखेआ जे जम्मू-कश्मीर दा राज्य दा दर्जा उचित समें औने पर बहाल करी दित्ता जाह्ग ते इस बारै च देसै दे गृह मंत्री होर पैहले गै बयान देई चुके दे न। उ'नें आखेआ

तोआई समूलचे केन्द्र शासित प्रदेश च अज्ज राश्ट्री एकता दिवस दे मौके उप्पर केई सारे कार्यक्रमें दा सरिस्ता कीता गेआ। बन्ने आहले जिले पुंछ च अज्ज एकता द्रौड़ दा आयोजन कीता गेआ जेह्दे च 700 शा मते लोकें हिस्सा लैता। प्रतिभागिएं च स्कूलें ते कॉलेजें थमां आए दे विद्यार्थिएं सने खड्गारी, सिविल समाज दे सदस्य ते सुरक्षाबलें दे अधिकारी ते जवान बी शामिल हे। इस मौके उप्पर एकता द्रौड़ गी झंडी दस्सियै रवाना करोआंदे होई पुंछ दे डिप्टी कमिशनर अशोक कुमार शर्मा होरें आखेआ

<><><><><><>

CM-Marathon Expo

मुख्यमंत्री ओमर अब्दुल्ला होरें अज्ज श्रीनगर च 'कश्मीर मैराथन एक्सपो' दा उद्घाटन कीता ते आखेआ जे एह गैहू खित्ते च खेडूँ ते सैलसफा गी बढावा देने लेई बड़ी महत्वपूर्ण साबत होग। इस कार्यक्रम दरान बोलदे होई ओमर होरें आखेआ जे एह नमैश, खेडूँ, रोमांचक गतिविधिएं ते मुकामी संस्कृति गी बढावा देने दा इक बड़ा बड़ा मंच साबत होग। उ'नें आखेआ जे इस चाल्ली दे बवस्थित कार्यक्रम, प्रतिभागिएं दे तजुबें गी बधाने दा कम्म करदे ना। उ'नें इब्बी आखेआ जे इस पैहलकदमी दे राहें, होरनें राज्यें थमां औने आहले लोक, कश्मीर दिएं दस्तकारिएं ते सैलसफा दी समर्थ कन्नै वाकफ बनइन ते एह्दे राहें खित्ते दी सगोसार विरासत गी बी बढावा मिलग।

<><><><><><>

LA-Sine Die

जम्मू-कश्मीर विधानसभा दे अध्यक्ष अब्दुल रहीम राथर होरें अज्ज विधानसभा दी कार्यवाही गी औपचारिक तौरा पर अनमित्थे समं लेई स्थगित करी दित्ता जेदे कन्नै गै 9 दिनें दा इजलास समाप्त होई गेआ। इस इजलास च केन्द्र शासित प्रदेश थमां राज्यसभा दिएं 4 सीटें आस्तै चुनांS ते कई महत्वपूर्ण बिलें गी मंजूरी देना शामिल हा। एह सत्र किश विवादास्पद क्षणें गी छोड़ियै ज्यादातर सुचारू रूप कन्नै चलेआ, एह्दे नतीजतन 2 गैर सरकारी सदस्यें दे प्रस्तावें पर चर्चा दे कन्नो-कन्नी 5 सरकारी बिल बी पारित कीते गए। सत्र दा समापन करदे होई स्पीकर होरें सदन दी कार्यवाही गी सुचारू तरीके कन्नै चलाने च सहयोग ते समर्थन देने आस्तै सभनें सदस्यें दा धन्नवाद कीता।

<><><><><><>

Dy CM-Rajouri

उपमुख्यमंत्री सुरिंदर चौधरी होरें अज्ज ऐलान कीता जे 2025-26 बरें लेई बन्ने आहले जिले रजौरी च शैहें-कस्वें तैहत 277 कम्में लेई 37 करोड़ 77 लक्ख रपे बागुजार कीते गे ना। विधानसभा च अज्ज इक सोआला दा परता दिंदे होई उपमुख्यमंत्री होरें आखेआ जे मिनी सैक्रेटेरिएट प्रोजेक्ट दे तैहत 7 करोड़ 50 लक्ख रपे अजे तगर खर्च करी दित्ते गेदे ना। उ'नें गलाया जे तय नियमें मूजब, सिडकें ते पुलें दे निर्माण गी पैहल दी बिनाहू पर मंजूरी दित्ती जा'रदी ऐ। उ'आं एह्दे लेई विधायकें ते डीडीसी सदस्यें थमां हासल होई दिएं सफारशें दे कन्नो-कन्नी साधनें-

वसीलें दी दस्तयाबी गी बी ध्याना च रक्खेआ जा'रदा ऐ। इस गैहू दा मकसद सबनें इलाकें च इक बरोबर ते सामा विकास जकीनी बनाना ऐ।

<><><><><><>

Darbar-Move

जम्मू-कश्मीर च 4 ब'रें मगरा 6-6 म्हीने दे वक्फे दे बाद होने आह्ला ऐतिहासिक दरबार मूव इक बारी परतियै शुरू होआ'रदा ऐ। हफ्ते च 5एं दिनें तगर कम्म करने आहले श्रीनगर दे दफ्तर अज्ज दफ्तरी टाइम दे बाद बंद होई जाङन। आकाशवाणी जम्मू दे संवाददाता मुजब हफ्ते च 6 दिन कम्म करने आहले दफ्तर कल दफ्तरी समें दे बाद बंद होई जाङन। जम्मू च सब्बै दफ्तर 3 नवंबर थमां परतियै खोली दित्ते जाङन। दफ्तरें गी बंद करने दे मगरा कल ते 2 नवंबर गी मुलाजमें गी ढोहने दा कम्म अंजाम दित्ता जाग जेदे आस्तै जे.के.एस.आर.टी.सी नै पैहले गै उचित बंदोबस्त करी लैते दे न।

<><><><><><>

LG-Home Deptt.

जम्मू-कश्मीर सरकारै औन्दी स्यालै आहली रुतै दौरान गृह मैहकमे गी निर्देश जारी कीता ऐ जे ओह श्रीनगर ते जम्मू दौने थाहरें थवां कन्नो-कन्नो कम्म करै। सरकारी आदेश मूजब एदे च पुलस मुख्यालय- जेलें सरबन्धी मुख्यालय- Home Guards, सिविल डिफेंस ते एस.डी.आर.एफ., अभिभोजन निदेशालय-सबूतें ते तथ्यें दी जांच सरबन्धी Forensic Science Laboratory, सैनिक कल्याण ते होर दुए सरबन्धी दफ्तर शामिल न। मैहकमे दे प्रमुखें गी आखेया गया ऐ जे ओह दौनें थाहरें पर अमले दी उपलब्धता यकीनी बनान।

<><><><><><>

CS-Education Deptt. Review

मुख्व सचिव अटल डुल्लु होरें शिक्षा मैहकमे दी इक व्यापक जायजा बैठक लाई तां जे पढाई-लिखाई ते सिखने आहली पूरी प्रक्रिया दी प्रगति दा जायजा लैता जाई सकै। इस दौरान ढांचागत विकास ते जम्मू-कश्मीर च शिक्षा सरबन्धी सरिस्ते च बदलाव दे मकसद कन्नै तकनीकी आधार आहले बदलावें पर बी चर्चा होई। इस बैठक दा मकसद शिक्षा सरिस्ते गी बेहतर बनाना ऐ- मुख्व सचिव होरें पैहले सोयां तय लक्ष्यें ते समं-सिर उनेंगी हासिल करने पर जोर पाया। उनें एदे लेई मैहकमे गी लम्मी अवधि आहली योजना तयार करने लेई बी आखेया। उनें विद्या समीक्षा केन्द्र तैहत सारे तकनीकी जत्तें गी तेजिया कन्नै पूरा करने पर जोर पाया तां जे तय कीते गेदे लक्ष्यें गी हासिल कीता जाई सकै।

<><><><><><>

Vigilance-Rally

सतर्कता जागरूकता आहले हफ्ते दरान रियासी च इक बड्डी रैली दा आयोजन कीता गेआ तां जे सार्वजनिक जीवन च पारदर्शिता, अखंडता ते जवाबदेही गी बढ़ावा दित्ता जाई सकै। डिप्टी कमिशनर निधि मलिक होरें इस रैली दा उद्घाटन कीता जेदे च सरकारी अधिकारियें, विद्यार्थिएं ते सिविल सोसायटी दे सदस्यें बी सक्रिय रूप कन्नै हिस्सा लैता। उत्थे मजूद लोकें तख्तियां फगड़ी दियां ही ते भ्रष्टाचार खलाफ नारे लाए। किट्टै गी संबोधित करदे होई डी.सी निधि मलिक होरें रोजमर्रा दे जीवन च ईमानदारी ते निपक्खता बनाई रखने दे महत्व पर जोर दित्ता ते गलाया जे भ्रष्टाचार थमां मुक्त समाज बनाने लेई जनता दा समर्थन बड़ा जरूरी ऐ।

<><><><><><>

Prog. Announement

आकाशवाणी जम्मू दा क्षेत्रीय समाचार एकांश जम्मू-कश्मीर आजीविका मिशन दे तैह्त्त स्वयं सहायता समूहें राएं महिला सशक्तिकरण विशे पर 30एं मिटनें दा विशेष चर्चा कार्यक्रम पेश करा'रदा ऐ। एहू खास प्रसारण शनिवारें पैहली नवंबर 2025 गी दपैहरी साढ़े 12 बजे प्रसारित कीता जाग। स्थाळे परौहने जम्मू-कश्मीर ग्रामीण आजीविका मिशन दियां मिशन निदेशक शुर्भा शर्मा, कार्यक्रम दे विशे पर अपने माहिराना विचार सांझे करडन। इस कार्यक्रम दी मेजबानी स्थाळी एंकर श्रुति खजूरिया करडन। एहू कार्यक्रम तुस इस्सै चैनल मीडियम वेब 303 मीटर यानि 990 किलोहर्टज ते एफ.एम 100 अशारिया 3 मीटर हर्टज पर सुनी सकदे ओ।

<><><><><><>